

Lëtzebuerg, den 22. Mee 2023

Här Fernand ETGEN  
Chamberspräsident  
LËTZEBUERG



DEMOKRATESCH  
PARTEI

Chambre des Députés  
Groupe Parlementaire

Här President,

Esou ewéi den Artikel 80 vum Chambersreglement et virgesäit,  
biede mir Iech, dës parlamentaresch Fro un d'Madamm  
Gesondheetsministesch weiderzeleeden:

„Mir si gewuer ginn, datt e weidere PET-Scan an engem Spidol  
soll installéiert ginn. Aktuell ass jo ee PET-Scan an der Stad, am  
Centre Hospitalier, ugesiddelt, ma et wier wierklech exzellent,  
wann dee weideren Apparat kéint an d'Ettelbrécker Klinik  
kommen. All kriibskrank Leit, déi nämlech am Norde vum Land  
wunnen an op sou e medezineschen Apparat ugewise sinn, musse  
wäit Weeër op sech huelen, verbonne mat engem enormen  
Zäitopwand. Op Ettelbréck kéinten och Patienten aus dem  
Zentrum an aus dem Weste vum Land kommen – net ze vergiessen  
och aus dem Kanton Iechternach.

Aus dësem Grond wollte mir d'Madamm Gesondheetsministesch  
Folgendes froen:

- Ass et virgesinn, datt en neie PET-Scan op Ettelbréck  
komme soll? Läit eng Demande vun der Ettelbrécker  
Klinik vir?
- Wa jo, fir wéini kéint mat sou engem Apparat zu Ettelbréck  
gerechent ginn?“

Mat déiwem Respekt,

André BAULER  
Deputéierten

Carole HARTMANN  
Deputéiert

9, rue du St. Esprit  
B.P. 510  
L-2015 Luxembourg

Tel. : 22 41 84 1  
Fax : 47 10 07

dp@dp.lu  
www.dp.lu